

浙江建德(常山)白沙諸地

江夏郡春申堂黃氏宗譜第五次續修

一九四八年十月圓譜
二零一一年十二月第六次續修委員會白沙翻印

黃氏宗譜

第 四十 卷

黃公純一先生傳

予嘗謂科名一道衡行衡文尤重世澤每于後僞謁見最喜問其先人德行
交相贊述以爲來者勸若黃生廷綬世有隱德家法雍睦尤足以風世也黃生廷
綬爲予甲午秋奉

命副吳退旃前輩典試浙江所取士揭曉來謁知得卷時有異徵亟詢之略述先
澤并言受世父教最深乙未報罷留都昕夕過從既求吳前輩爲其尊人作傳而
其世父純一先生傳屬餘爲之不敢辭也先生諱朝鼎字純一世居南豐能繼先
志篤于學原奉經述通知時事早歲入太學不屑斤斤于舉業綽然有隱君子風
弟第五人先生居其次白發相愛無間言族素繁自少壯時即隨諸長者措置族
中事秩然怡然舉宗僉服諸先塋負土種鬆隨時拜掃蓋其孝友性成至老不倦
也嘉慶戊辰己巳間合族重修譜系先生時游浙西課讀白沙竭力敦勉以臧厥
事而仍不自居其名至庚辰從子廷綬入泮時歸裏展祀族中奉先生祿位俾送

人祠左之報功祠享祀勿替廷綬生有夙慧當其髫歲先生每自白沙抵武林授書講解寓愛于勞厥後邀游旋裏尤時已敦品勵名不遠二千裏寄書加勉遂使廷綬游庠序登賢書行將勉爲大器以顯宗紡以儲國用周禮曰上治祖禰旁治昆弟下治子孫先生其有焉配包孺人生自名族年德并飭子一名成璋字碧山能理黃生家事俾無內顧憂是皆敦睦可風也餘之族亦甚蕃衍新安昆山胥關一脈每以一官匏擊不克理族中事爲懼而先生能敦內行如此宜其從子之倦已不忘也既治素心又參史職爰爲之擴實敷辭具見我 聖朝敦本崇化多士彈冠而來者悉有家聲可述于此傳益信而有徵雲

道光十有六歲次丙申仲春之月

賜進士出身

誥授奉直大夫翰林院編修 國史館纂修加三級

通家愚弟徐寶善頓首拜撰

黃公碧山先生傳

道光甲午秋餘始得交倩園同年至其家門庭肅穆見其伯兄碧山先生性
樸成杖履怡然知爲篤行君子也乙未計偕留都情好日審時于角藝之暇言及
家事情園每雲得伯兄力餘蓋人心識之癸卯春餘方奉 命督學粵西倩園書
來以其伯兄行略請爲之傳予竊嘆老成祖謝而所見所聞猶顯已如前日事遂
不揣固陋屬草稿郵寄之先生姓黃氏諱成璋字碧山倩園同祖兄也生有至于
性敦孝友不慕仕進而夙承庭訓每抗論人生大節輒非經生家所能言年弱冠
即隨倩園尊人游浙春來科去或閑歲一歸省事叔如父愛弟如子廿餘年交相
爲助道光初年抱風木之戚倩園亦失怙令原相弗自是遂一意最弟成名不復
以家爲念倩園恂已儒者治生非其所長先生力爲主持率身儉交友信接下慈
早作夜思寒暑無間如是者又二十年辛醜秋瀕海不靖四境騷然倩園時館金
陵先生焦勞旰夕外而捍擋諸傷內而撫慰其家至冬積雪盈丈嚴寒中人先生

精力遂此日憊壬寅春夏間疾益劇猶復強自耆耄希言寄慰且嚴飭家人勿別寄書迨倩園季夏返棹而先生已歸道山矣惜哉先生生于乾隆乙未年十二月十九日亥時卒于道光壬寅年五月十三日申時春秋六旬有八配陳孺人循歸道尤能兼子職仰事俯育舉族稱賢子一名大勳字亮功稟性勤懇有父風素隨侍先生彌留之際猶以敬叔愛弟爲囑孫一名用萊噫如先生之爲人雖年登耄耋良非逾分乃竟倏然長逝宜倩園之恨無寸報而深自推心也然以倩園之學志先生之志珠光劍氣定不久淹即倩園三子其伯仲皆總角素恪承伯父教都行將簪杏采芹喬梓蜚聲南北下爲閭裏榮上爲邦家光先生當亦含笑于地下况仁必有後予知其子若孫顯揚先德宜享其隆天尤必昌大之以見爲善無不報雲

道光二十有三年歲次癸卯春三月

賜進士及第

誥授奉政大夫翰林院修撰廣西學政加三級

年愚弟鈕福保頓首拜撰

黃公汲清先生傳

餘于甲午秋奉 命典試浙江八月十八日夜漏三下鄭漪川明府手薦黃生廷綬卷言得卷時紅光盈案文亦閱中肆外其光態態意必世有隱德而神默相之者餘亟索閱其文果如明府言因即取置第三人揭曉來謁略詢家世竊嘆爲善無不報而其先澤猶未審也維時予留辦海塘至乙未冬事竣還 朝黃生方報罷晉都不時謁晤講習之暇以其尊人涵清先生行略請予爲傳先生諱秉和號涵清盱江南豐人也先世耕讀傳家至先生尤邃于學敦內行且好施與家素豐嗣因弟第五人食指漸以不支遂廢學服賈往來三吳兩浙間嘉慶丙辰初元移居武林北郭年逾四旬猶難子息辛酉夏乃生廷綬遂定遷焉武林當八省通衢江閩道義之交咸主其家先生氣節重然諾濟困扶危不惜頃囊以赴每逢歲暮自顧不敷有告貸者輒與之鬥酒雙鷄以慶餘臘澹如也江閩之客死于杭者半多暴露先生醵金置義地療序歲祀無不綜理妥善以故識與不識耳其名

者咸稱黃佛子雲廷綬自幼收歲時號神童先生日令就傅晚間篝燈督課寒暑無少間迨成文以禮延帥其家裏中名宿益友令其交游庚辰歲游庠入籍同裏翕然無閑言蓋先生行動神明膺令名離耆壽而又能啓迪後人者類如此配林儒人推髻持門有孟德耀風尤以好善相勸勉聞西湖佳山水勸置造室凌孺人以求鐘毓丙寅凌孺人歿廷綬年方六齡孺人躬行撫粥愛勞兼至舉風禮師延賓盡誠盡敬先生甚得肉助焉噫型于之化老而齊眉相與修德行仁教令子俾以文章報國如先生者豈非閭裏之榮哉雖不及見令子之膺上第然聞其賦鹿鳴時裏中嘖已稱佛子兒獲雋具見天道有憑黃生乎又將何以如礪名砥黼黻聖朝以篤前人光禮曰有善而弗知不明也知而弗傳不仁也餘奉舊史氏又重感令子之意爰濡筆而爲之傳

道光十有六年歲次丙申孟春之月

賜進士出身

誥授光祿大夫翰林院編修

經筵講官禮部堂書加三級通家愚弟吳椿頓首拜撰

外舅黃公定芳家傳

公諱顯貴字貴春號定芳紹海外舅也世爲南豐楓溪裏人祖國瑞公始服賈來浙父照臨公始上居建德白沙外莊塢照臨公生八子公居其次長史歿遺孤僅五月照臨公歿幼弟僅四歲公時年亦二十有一耳綜理家政井然秩然長幼數百指教養嫁娶各有條理于是者數十年公家僅中人產督諸弟力田經商不少懈延帥課子侄惟謹率諸弟事母邵太君能先意承志雖田家作苦甘旨不缺于供紹海十八歲歸娶登堂拜謁見一門豫順怡已如也竊嘆以爲難既而食指浩繁負累日重奉邵太君命晰產時幼弟孤侄俱有子矣公念其七弟質願而子幼債累應償者勿與擇產之肥而近者與之衆皆應曰諾此故諸弟之共篤友于而亦公之至性足以感之也白沙界連建壽江右蓬居者十五六黃姓僑居者半之鄉裏有事輒詣公求平公曲爲之排解皆心服而不敢置立公或憊遷吳門輒曰俟某公歸當得直母急已也一日公歸自吳門孤舟阻風泊江上時虎瓜山

盜舟名烏鴉船者充斥于路咸有戒心夜將半周舟一少年大呼逐賊公急索火視之見少年衾褥血淋漓上墮人指二血刀一公曰尊矣此輩必來復仇將奈何衆相對失色或言登岸投塘泛或言風色已轉盍揚帆直上公曰皆無益也塘泛未必有巡兵有亦數人不能御賊通賊者且將助賊爲難縱不傷生而貨財必盡若揚帆而去或半江風息何所逃死且賊舟兩槳一帆我舟貨重不難追及今爲諸君計惟速往船頭并力卧檣船放下水息燈傍岸緩行賊舟來問吾自教長年答之衆從之船行未半裏賊舟蔽江來問見有上水船否長年漫聲應之曰適見一駛風船又駕櫓急搖不知是何公務去此大約不過三四裏五裏耳公登舵尾教長年答語側目數賊舟大小無慮百餘號當時事微公事幾殆道光甲午紹海莅南溪任公開七秩矣嘗分廩上壽必紅箋親繕作答喜立廣場觀劇朝暮無倦容耳目腰脚人咸嘆爲不可及庚子六月二日早起步履飲食如常忽呼其六弟謂曰白少渡地當孔道涼亭書憩行族夜栖流丐今歲久將圯設風雨覆壓我輩

不能免累我意中建亭有人其急拆毀毋遲是日折亭畢薄暮氣微促伏枕呼之
不應初三日亭午兀然起坐含笑而逝年八十有一而紹海自蜀乞歸亦於初三
日夜舟抵嚴陵蓋去公歿時祇半日耳泣撰挽聯有恩重三十年八十遐齡欣健
在緣慳一百七千遠道帳歸來句蓋紀實也是歲仲冬紹海體公隱懷完公夙願
改用石柱捐建白沙亭于渡口柱面敬題公名俾垂永久紹海于是可以告無愧
于公公亦可以告無愧于西小洋莊一裏之人癸卯秋楓溪修族譜乃捫公行誼
才胥習于聞見都傳俾入家乘不敢一語溢美深知公光明磊落浮誇之辭九原
必有所不受也

道光乙巳年仲秋月 穀旦

欽加五品銜 敕授文林郎

國史館謄錄知四川南溪縣事新城子婿翁紹海頓首拜撰

黃公贊周先生傳

邑鄉楓溪有耆賓黃公諱顯燾字贊周先生都幼習詩書長從貿易每遇斯文必禮人殷乚二子接見鷄黍是陳鏞未得親挹芝眉時聆雅範其品儀之高風側乚在人耳也鏞因

嘉慶庚午在盱江試館與翁次子雅字恢先同場共硯以文會友往來就正詳悉贊翁之行秉性剛直鄉鄰之間誰不感解危之恩修祠廣醮族黨之下莫不念爲祖之光水陸之地臨溪而嘆跋涉之苦者翁不憚竭力之勞勸損造橋神居之所入廟而悲栖靈之痛者翁不吝解囊之道換醮建廟敬宗收族之義不虧纂修家乘三次光前裕後之道勿怠修造祖塋四載迄今溯風仰徽翁種乚爲人爲祖之事難以杖舉略而表之以爲翁幸噫癸未翁抱病之時呼二子曰汝曹繼先人之志者述先人之事以勤儉爲創業之本忠孝爲傳家之本存立而道自生不可拋弃己業希圖衆務致令後悔莫及靜夜思之翁方良不誣也公乃生長楓溪棠棣

雖多并秀獨公出自天良事親生事之以禮死葬之以禮祭之以禮詩曰子孝不
匱永錫爾類其公之謂乎且公品重圭璋威而不猛恭而安其教孝教弟之言人
皆而畏真所謂高山仰止景行乚止歟

道光二十五年歲次己巳季秋月 吉旦

乙酉科鄉試進士甲辰會試特拔二等奉

旨即選儒學正堂

侄曾大鏞頓首拜撰

黃君命先生傳 乾隆壬辰年作

距城七十裏之東裏名楓山頭水達盱流峰連歐粵地勢蔚起烟火相望不下數百家爲餘宗黃氏之世居乃餘重叔諱思紹先生杰出地也公字君命一字大嗣嘉言懿行妯生也晚未得接見每歲春秋登祠祭祖祀畢與老成輩燕談群舉生平事實膾炙人口故人往風微之餘如存精神于懷見愛聞之會歲屆壬辰楓溪志士纂修族譜虞添能文敢不揣老成口之所述與虞耳之所聞者爲公表揚而樂道之公天資英邁敦孝友美風儀弱冠攻詩書勤舉子業大細不捐及其長也出處鄉閭經世匡時之務排難解紛之略斟酌今古確然措之施行當時人第知其應于外都不窮而不知其足于內非泛涉之才記問之學所得而窺其涯矣也志尤切于愛祖 始祖井公同妣戴氏合葬邑二十七都石門後山灣之地墓隧已八百餘年遭元苛徵掩墓歷世久遠子孫雖知祖之在山究不知墳歸何所順治八年間突被湖西餘某從旁盜葬公察覺奮不顧身率先控告詣縣府道

涕泣伸理始得逞惡安塘訟費粥瘦田數不石以給族人德之祀于祠崇賢堂是由觀之公真鄉黨內之完人宗廟中之孝子者矣宜其乘時飈發取青紫如拾芥乃伏處溪山側身修行凜已乎有感天地動鬼神之概古稱聰明正直歿而宜食于社者其在斯人歟其在斯人歟生子三孫會濟已詳家乘不重贊公雲論曰山川清淑之氣凝結而磅礴燦爲物華蔚爲人文不可得而關也公他善行不具論已其見于時務報諸祖先者如此嗚呼是可以風矣

時

道光乙巳歲重修

鄉進士文林郎

內廷教習授玉山縣儒學教諭加一級即補知縣

宗愚重侄 虞頓首拜撰

黃公鵬萬先生傳

侍翁先生姓黃諱良程字鵬萬寶珍公之次子也爲吾郡望族處于邑東之楓溪由來家雲乃尚矣而先生氣度溫厚賦質樸誠身列東膠愈自謙抑逮事父母雖無扇枕溫席之勸總克敦其子道自親既喪戚守稱家有無之訓亦無有其炫色而於兄弟間則怡怡如矣平西何掄佐夫子學術純正先生熟識之延于家塾十載嗣君兆麟予乙醜歲補博士弟子員隆帥之報也躬席先人產業匪甚殷足自奉儉薄耕九餘三儲積日久漸次滋贏擴買糧田千有餘石房屋數十間并無債刷貧民之迹其於恂獨無依者恒量力賙恤之謹言慎行不濫交接故與人無怨爭焉鄉裏稱爲長者且不爲利誘名牽澹然胸懷恬暢嘗讀陶公辭曰寄形宇內復幾時曷不委心任去留爾乃托興林泉娛情花鳥雅與二三知己攜擊醇醪香茗菱藕梨桃盤桓長鬆修竹之下飛觴流罍尚論古今品得失以爲淑身淑世之範劇譚竟日咏而歸焉其曠懷高致大抵若此娶游坊橋名孝廉歷任廣